

## РУСКИ ЖИТЕЛЄ У НОВИМ САДУ, ДЮРДЬОВЕ И ШАЙКАШСКОЙ ПОСЛЕ 1850. РОКУ (1851 - 1921)

Рушанє руского жительство у Новим Саду и Шайкашкой после 1850. року можеме провадзиц по Матичних кнїжкох рускей парохиї у Новим Садзе. У Револуциї 1848. року документация парохиї знїчтожена. После змирйованя обставинох парохийни матични кнїжки ше починаю водзиц од 1850. року. Под Новосадску парохию и надалей подпадаю валали у Шайкашкой и околини Нового Саду у Бачки и Сриму. (Так, до матичней кнїжки уписани нашо людзе и у Сиригу, Руми, Крушедолу, Надалю, Господїнцох, а попри Нового Саду найвещей у Дюрдьове).

Нашо людзе ше з Керестура и Коцура висельовали пре невивгодни економски обставини. У матичних валалох пре природне звекшанє числа жетельох и пренасельносц ( а и пре недостаток жеми) велїжителе оставали без средствох за живот и почали ше висельовац.

У 1850. року у матичних кнїжкох парохиї Нови Сад уписани лем 4 родзєня, 7 умарти и 3 винчаня.

Звекшанє и розвой парохиї Нови Сад детальнейше спатримо по матичних кнїжкох по 1900. рок, а по снованє грекокатолицкей парохиї у Дюрдьове укажеме природни прирост и у Шайкашкой (Дюрдьове).

Число	Рок	Народзени	Умарти	Прирост	Зменшанє	Винчани пари
1.	1851	4	6	-	2	5
2.	1852	14	12	2	-	5
3.	1853	3	8	-	5	7
4.	1854	9	8	1	-	6
5.	1855	18	8	10	-	4
6.	1856	8	12	-	4	8
7.	1857	13	11	2	-	4
8.	1858	17	10	7	-	3
9.	1859	14	11	3	-	4
10.	1860	15	12	3	-	2
Ведно за 10 р.:		115	98	28	- 11	= 17 48

Збунное незвичайно висока смертельносц городского руского жительствова. Причина невигодни социялни и здравствени условия и неприлагодженосц гу городскому способу работи и живота.

Число	Рок	Народзени	Умарти	Прирост	Зменшане	Винчани пари
1.	1861	15	8	7	-	5
2.	1862	11	10	1	-	1
3.	1863	17	10	7	-	2
4.	1864	10	11	-	1	5
5.	1865	16	9	7	-	3
6.	1866	7	7	-	-	7
7.	1867	19	19	-	-	3
8.	1868	19	14	5	-	6
9.	1869	19	16	3	-	4
10.	1870	18	11	7	-	6
Ведно за 10 р.:		151	115	37	- 1	= 36 42

Звекшуе ше и число народзених, але и число умартих. Прирост заш лем витворени дзекуюци векшому числу народзених. То и пошлїдок присельованя нового жительствова до парохїї Нови Сад.

Число	Рок	Народзени	Умарти	Прирост	Зменшане	Винчани пари
1.	1871	20	14	6	-	6
2.	1872	19	22	-	3	4
3.	1873	12	21	-	9	1
4.	1874	16	13	3	-	3
5.	1875	14	14	-	-	5
6.	1876	20	19?	1	-	8
7.	1877	16	13	3	-	6
8.	1878	16	15	1	-	6
9.	1879	20	9	11	-	2
10.	1880	28	21	7	-	4
Ведно за 10 р.:		181	161	32	- 12	= 20 45

Усельоване до филиялох, окреме до Шайкашскей ше предлужуе. Младе жительство ше населюе до Дюрдьова и

Господінцох. Концом осмей децениї 19 стороча у Шайкашской уж ест коло 400 Руснацох. Звекшани наталитет, але звекшани и морталитет. Пре невігодну хвилю и дижджи шири ше епидемия колери у Керестуре и Коцуре, виволуе страх при жительству и поспишуе висельоване.

Число	Рок	Народзени	Умарти	Прирост	Зменшане	Винчани пари
1.	1881	37	12	25	-	3
2.	1882	37	20	17	-	15
3.	1883	49	25	24	-	7
4.	1884	45	27	18	-	10
5.	1885	52	18	34	-	14
6.	1886	49	13	36	-	20
7.	1887	62	25	37	-	5
8.	1888	61	12	49	-	11
9.	1889	52	22	30	-	5
10.	1890	60	15	45	-	5
Ведно за 10 р.:		504	189	315	-	95

Висельоване ше до парохії Нови Сад предлужуе. Людзе ше населюю до Шайкашской, попри Дюрдьова и до Жаблю, Ковилу, Господінцох. Жительство ше у парохії звекшуе и на природни способ. За дзешец роки народзени вецей як 500 дзеци, умарли меней як 200, та природни рост виноши вецей як 300 особи. Млади дорастаю за женїдбу, женя ше и жительство ше звекшуе. У Дюрдьове уж ест коло 800 особи, а у Шайкашской коло 1 000.

Число	Рок	Народзени	Умарти	Прирост	Зменшане	Винчани пари
1.	1891	57	10	47	-	10
2.	1892	59	55	4	-	11
3.	1893	11	11	-	-	2
4.	1894	11	6	5	-	4
5.	1895	13	9	4	-	1
6.	1896	15	6	9	-	1
7.	1897	14	18	-	4	2
8.	1898	12	10	2	-	3
9.	1899	12	7	5	-	2
10.	1900	14	14	-	-	2
Ведно за 10 р.:		218	146	76	- 4 =	72 38

Од 1893. року постої грекокатолицка парохия Дюрдьов и вона надалей водзи старосц о своїх вирнікох у Шайкашской. Прето и од 1893. року опадує число народзених, умартих и винчаних у парохії Нови Сад. Податки знова одражую правдиве станє на городской території и дзепоедних пригородских населеньох. Маюци у оглядзе час од 1878. року та по 1893. рок - за тоти 15 роки у парохії Н. Сад окрем Шайкашской, народзели ше:

---

1878. року - 9 дзеци,	1886. року - 12 дзеци,
1879. року - 12 дзеци,	1887. року - 14 дзеци,
1880. року - 6 дзеци,	1888. року - 11 дзеци,
1881. року - 8 дзеци,	1889. року - 12 дзеци,
1882. року - 7 дзеци,	1890. року - 8 дзеци,
1883. року - 14 дзеци,	1891. року - 10 дзеци,
1884. року - 7 дзеци,	1892. року - 10 дзеци,
1885. року - 12 дзеци,	

---

По матичней кніжки народзених за 10 роки од 1851. року наводзимо презвиска и мена родичох и у загради народзеного дзецка, же би ше спатрели презвиска и мишани малженства.

Югас Янко и Юлианна р. Берек (Алексис),  
Бучински Тодор и Елизабета Герньов (Андри),  
Якобович Мартин и Катарина Танкович (Янко),  
Югас Михал и Наталия Печвалац (Тимотей),  
Шхева Янко и Єва Костик (Тереза), Галиция,  
Говля Михал и Катарина Аврамова (Мария)  
Сакач Петро и Мария Олеар (Михал),  
Дітко Петро и Мария Сакач (Петро),  
Говля Янко и Ката Грайцар (Юлианна),  
Гарди Янко и Юлианна Гайдош (Константин),  
Марчак Розалия, нар. Ренчковски (Микола),  
Колесар Михал и Мария (Андри),  
Хромиш Дюра и Персида Сакач (Мария),  
Кечкемети Самуило и Елизабета Копански (Марциус),

Лазор Грицо и Мария Югас (Мария),  
Колесар Александер и Елизабета Копански (Марциус),  
Саєнкович Петро и Юлиана Андич (Дюра),  
Маринкович Петро и Анна Папп (Катарина),  
Сакач Андри и Катарина Говля (Дюра),  
Василєвич Марко и Катарина Сакач (Гелена),  
Гарди Янко и Катарина Кубович (Дюра),  
Папп Михал и Катарина (Емил),  
Беретян Берци и Елизабета (Мария),  
Югас Йоан и Катарина (Йохана),  
Янчала Йоанес и Мария (Анна), Храбске,  
Шима Михал и Катарина (Мария),  
Дітко Михал и Юлианна Сливка (Живко),  
Сакач Штефан и Юлиана Дєрня (Михал),  
Боднар Петро и Юлиана Барна (Мария),  
Кочиш Антон и Анна Бєсермински (Елизабета),  
Бокан Тимотиє и Елизабета  
Небарчек Мария (Юлиана),  
Няради Янко и Мария Пап (Петро),  
Керегарто Янко и Анна Кечке (        ),  
Хрубєня Петро и Юлиана (Юлиана),  
Юлиана Сливко (Дюра), гдова,  
Юлиана Варга, нар. Шайтош (Мария),  
Хромиш Дюра и Персида Дітко (Александер),  
Петро Югас и Катарина Вечєи (Павле),  
Павелчак Янко и Мария Небарчек (Янко) и  
Югас Янко и Катарина Пешташ (Михал).

Од 1851. до 1860. року у Новим Саду народзєни 120 дзеци и 10 дзеци у филиялох: у Дюрдьове тройо, у Ковилю тройо, у Гардиновцох двойо и по єдно у Катю и Сиригу. У 1860. року, - народзєни 15 дзеци у тих фамилийох: Тот, Сакач, Югас, Хрубєня, Обровски, Шима, Беретян, Саєнкович, Сакач - друга фамилия, Колесар, Боднар, Бабянски, Хорняк, Прегун и Керегарто. У филиялох

ище нет векше число виселенцох зоз Керестура и Коцура. То потвердзуе и попис душох парохії Нови Сад за 1864. рок, по котрим у Н. Садзе ест 62 фамилии зоз 255 жителями, а у шицких филиялох лем 27 фамилии зоз 119 душами.

До Шайкашской, после Революції, нашо людзе осторожнейше виселюю. Населюю ше перше лем до дзепоедних местох, розпочинаю насельованє, гледаючи найвигоднейше, же би аж после почало насельованє до тих местох дзе условия найвигоднейши. Такой после 1850. року, як зазначене у матрикулних кнїжкох парохії Нови Сад Руснаци жию у тих местох:

**Дюрдьов:**

Прегун Михал и Юлияна (Юлияна),  
Бабянки Михал и Анна Голлуб (Михал)  
Радвань Дюра и Анна Кочиш (Мария)

**Кать:**

Андри Салонски и Елизабета.  
Ковач Дюра и Мария Роман,  
Салонски Лукач и Анна Нота,

**Сириг:**

Виславски Дюра и Мария,

**Ковиль:**

Фейди Михал и Мария Сегет – Сегецки (Юлиана)  
Хорняк Силви и Пелагия Москаль  
Биреш Янко и Юлияна Русковски (Митро),  
Деметер Дюра и Шовш Гелена,  
Шайтош Янко и Микита Гелена,  
Фейсе Янко и Скубан Анна,

**Надаль:**

Колошняї Петро и Сивч Мелана, (1868)

**Рума:**

Гришко Андри и Марта,

**Гардиновци:**

Прегун Елиас и Персида Силаді

**Жабель:**

Гвожджак Янко и Марія, (1673)

**Крушедол:**

Виславски Андри и Пап Тереза (Янко),

**Чурог:**

Задрипко Штефан и Гривник Марія,

Туленчик Штефан и Хорбар Сузана,

**Господінци после 1867. року:**

Буилчик Штефан и Дітко Катарина (Михал),

Дітко Андри и Гарди Катарина,

Гусош Михал и Нота Анна зоз Керестура,

Бики Янко и Иван Марія,

Береш Михал и Пипаш Юлианна

Сегеди Дюра и Пипаш Анна

Спрам пописа од 31. януара 1888. року, котри зложел священік Латкович Михаль у Горнім и Долнім Ковилю жили тоті фамилии:

- |                             |                       |
|-----------------------------|-----------------------|
| 1. Магоч Емил               | 8. Ніряк Дюра         |
| 2. Хорняк (Шандорчик) Янко, | 9. Хромиш Дюра,       |
| 3. Нота Янко,               | 10. Челоски Андраш    |
| 4. Кочиш Дюра,              | 11. Челоски Дюра      |
| 5. Кочиш Данко,             | 12. Чос (Човс) Петер, |
| 6. Магоч Иштван,            | 13. Чос Петер, стари, |
| 7. Магоч Янко, стари        | 14. Чос Михаль стари. |

Од презвискох у Новим Саду и Шайкашкой, после 1861. року пренаходзиме и тоті:

Апро	Голович	Кухар	Парошкой
Балог	Голуб	Лабош	Пашо
Белтян	Грайцар	Лазор	Пельга
Бечан	Гришка	Лебовски	Петрович
Биреш	Гуляш	Лебошки	Планчак
Буила	Деметер	Макаи	Пляскач
Буилчик	Дротар	Малік	Поляк
Бучко	Дудаш	Медеши	Римар

Вадаски	Дюдяр	Миклош	Ришко
Гайнал	Иван	Михняк	Роман
Галас	Кечкеш	Мудри	Силаді
Гусар	Когут	Надь	Скубан
Гвожджак	Кожалка	Павлович	Стрибер
Голя	Кузмяк	Паланчани	Тимко
Фейди	Чельовски	Чордаш	Шош

З Церковней хроніки, матичних кніжкох народзених, (кресцених) винчаних и умартих, як и других жридлих дознаваме же ше число Руснацох у Дюрдьове и дзепоедних местох Шайкашской звекшує после 1873. року, после ей розвояченя. У тим чаше велі Руснаци з Керестура и Коцура до Дюрдьова приходзели рис робиц, та и остали ту. То фамилии: Гаргаї, Тиркайла, Биреш, Югик, Виславски. Неодлуга приходзи Микола Саламун, потим Митро Копчански, Янко Будински "Апа", як и велі други. 1878. року у Дюрдьове було 13 руски хижи, 1880. року уж 30 руски хижни нумери - 38 фамилии. За школу дзеци було 30. У року 1882 - 1883. було ту Руснацох коло 400 души. 1890. року у Дюрдьове уж ест 777 души, а у Шайкашской 912, односно попри Дюрдьова, Руснацох ест у Господінцох, Ковилю, Жаблю, Надалю, Тителю, Катю и Чурогу, же би ше о 10 роки у шицких местох число Руснацох звекшало за 384 особи, та Руснацох у Дюрдьове 1900. року було 1 119 особи, а у Шайкашской коло 1 300 особи. (Опатри таблічку Руске жительство у Шайкашской).

## РУСКЕ ЖИТЕЛЬСТВО У ШАЙКАШСКОЙ (1851 - 1921)

-----																							
1. Пор. число,								2. Рок,								3. У Шайкашской,							
4. Жабель,								5. Господінци,								6. Надаль,							
7. Чурог,								8. Дюрдьов,								9. Ковсв .Иван,							
10. Вилово,								11. Мошорин,								12. Титель							
13. Лок,								14. Гардиновци,								15. Горні Ковиль,							
16. Долні Ковиль,								17. Катъ,								18. Будисава,							
19. Ведно,								20. У %,								21.Рост,							
22. Пад выражени з числами у %																							
-----																							
1	2	3	4	5	6	7	8	9	10	11	12	13	14	15	16	17	18	19	20	21	22		
1.	1864	-	-	-	-	-	-	-	-	-	-	-	-	-	-	-	-	-	-	87	-	-	
2.	1880	38	083	-	71	-	5	326	-	-	3	-	-	-	-	-	-	-	-	405	1,1	318	365,5
3.	1890	47	562	17	39	11	1	777	10	-	-	2	-	-	37	17	1	-	-	912	1,9	507	125,5
4.	1900	54	464	23	66	26	7	1119	3	-	17	1	1	7	22	3	-	1	-	1296	2,4	384	42,1
5.	1910	58	394	3	82	31	2	1576	10	-	-	7	-	3	13	8	-	11	-	1646	2,8	350	27,0
6.	1921	59	149	35	113	10	1	1675	(1)	(21)	(2)	(2)	-	(11)	(29)	-	(31)	(3)	-	1939	3,3	289	17,5
-----																							

По матичней кніжки родзених парохії Нови Сад, у Дюрдьове од 1867. року жию тоті фамилиї:

Лазар Петро и Гуляш Мария,  
 Балог Михал и Фекете Гелена,  
 Миклош Михал и Югас Матия,  
 Паланчань Янко и Мария Гудак,  
 Винаия Янко и Паланчань Мария,  
 Магоч Янко и Анна Шоош,  
 Томорски Микола и Катарина Гога,  
 Деметер Дюра и Гелена Шоош,  
 Уйфалуши Петро и Мария Панкович.

Од 1875. року и тоті фамилиї:

Горняк Янко и Гелена Нота,  
 Уйфалуши Дюра и Мария Шандор,  
 Копчански Янко и Анна Чизмар  
 Миклош Грицо и Фейса Мария,  
 Голуб Петро и Анна Шандор,  
 Винаи Дюра и Уйфалуши Анна,  
 Олеар Дюра и Гарди Елизабета,

Винаї Янко и Паланчаи Мария, н.227

Пап Янко и Малацко Мария.

Як ше число Руснацох у Дюрдьове звекшує, так ше вони лепше организуоу. Починаю лепше газдовац, лепше организовац дружтвени, образовни и духовни живот. Нови стредок, з усиловносцами самих наших людзох, тото оможлївює. Дзвон до першей церкви достали з керестурскей Водици, перши лавки до школи од Коцурцох, сами свойо обисца дали за першу церкву и перши школи, обезпечели пенєж за купованє порти за нову школу, за церкву и з помоцу других Руснацох збудовали церкву.

По попису 1900. року у Дюрдьове жию 4 465 особи: 2 937 Серби, 1 119 Руснаци, 332 Мадяре и 72 Немци. Як видзиме, на другим месце, такой после Сербох, Руснаци, вони штвартина валалского жительствова.

Интересантне спатриц и природни прирост жительствова у Дюрдьове у наиходзацих 10 рокох. У цалим валале за тоти 10 роки народзели ше 2 240 дзеци, умарли 1 568 особи. Значи, за тоти 10 роки валалске жительство звекшане за 672 особи. То податки за цали валал, маюци у оглядзе и Сербох, и Руснацох, и Мадярох и Немцох. Медзитим, кед знаме же ше у спомнутим чаше єдно число Руснацох и приселело, а гу тому кед знаме же и природни прирост руского жительствова бул досц вельки, же ше у тим дзешецрочу 703 руски дзеци народзели, а умарла 371 особа - природни прирост виноши 332 особи. Єдно число Руснацох з валалу ше виселело до Славонїї: до Андриєвцох лебо Пишкурєвцох. Од 1900. до 1910. року отримани 134 руски свадзби, односно винчали ше 134 пари. (Опатри графикон Природни прирост руского жительствова у Дюрдьове од 1900 до 1910. року).

Зоз своїм газдованьом не були задовольни шицки Руснаци у Дюрдьове. Присельовало ше, уствари, худобне керестурске и коцурске жительство, котре у Дюрдьове успишнейше газдовало, але накадзи ше и ту маєтки почали медзи дзецми дзелїц, знова остало вельо таких цо мали меней жеми як им за порядни живот требало. Прето ше даєдни почали и висельовац до Нового Саду, Карловцох и индзей. Теди велї нашо людзе обрабяю и купую жеми у Дюрдьовским риту, котри барз далеко од валалу, але у газдованю напредую.

У наиходзацих 10 роках число руского жительствова у Дюрдьове, и попри невігодних роках и Першей шветовой войны, ше звекшуе. За тоти 10 роки у Дюрдьове ше народзели 652 руски дзеци, умарли и погинули у войны на фронту 438 особи, так же природни прирост виноши 214 особи. У чаше войны, 1915. року, 4 особи вецей умарли як ше народзели, а ведно 1917. и 1918. року 46 особи вецей умарли як ше народзели. У перших двох роках войны винчали ше лем 10 пари. 1917. зоз войны були одпушовани войци, котри ше женели, так же у тим року повинчали 26 пари. По войны 1919. року повинчали 60 пари, а за цали 10 роки 220 пари. Так на попису 1921. року у Шайкашской було 1 935 Руснацох, од чого у Дюрдьове 1 675, у Господінцох 113, у Жаблю 35 и у других местох Шайкашской менше число Руснацох. (Опатри табелу: Природни прирост руского жительствова у Дюрдьове 1911 - 1920. року и Руске жительство у Шайкашской од 1851 до 1921. року).

#### ПРИРОДНИ ПРИРОСТ РУСКОГО ЖИТЕЛЬСТВА У ДЮРДЬОВЕ (1900 - 1910)

Число	Рок	Народзени	Умарти	Пр.прирост	Винчани
1.	1901	69	33	36	11
2.	1902	65	25	40	10
3.	1903	80	25	55	14
4.	1904	65	49	16	15
5.	1905	77	28	49	12
6.	1906	71	26	45	15
7.	1907	72	47	25	12
8.	1908	60	40	20	14
9.	1909	68	49	19	16
10.	1910	76	49	27	15
Ведно за 10 роки:		703	371	332	134 пари

ПРИРОДНИ ПРИРОСТ РУСКОГО ЖИТЕЛЬСТВА  
У ДЮРДЬОВЕ 1911 - 1920

Число	Рок	Народзени	Умарти	Пр. прирост	Винчани
1.	1911	72	46	26	21
2.	1912	90	50	40	20
3.	1913	80	30	50	27
4.	1914	90	41	49	16
5.	1915	49	53	-4	3
6.	1916	35	27	8	7
7.	1917	28	38	-10	26
8.	1918	41	77	-36	17
9.	1919	65	38	27	60
10.	1920	102	38	64	23
Ведно за 10 роки:		652	438	214	220 пари

После Першей шветовой войны дружтвено-политични обставини ше стабилизovali и у Дюрдьове. Успишно робела руска читальня "Газдовске дружтво", людзе були ангажовани при снованю РНПД, културна и образовна робота ожила, руска школа роби у новим школским будинку, ест векше число русских учительох... Попри Сербох аграрней жеми достава и едно число худобних Руснацох и спрам пописа од 1921. року, Руснаци уж маю у своїх рукох коло 3.000 ланци жеми.

Спрам урядового попису жительствова од 1921. року и податкох котри обявени у Народним календаре за 1923. рок дознаваме же у Шайкашской, односно у Дюрдьове, ведно зоз филиялами ест 1 935 Руснацох. У самим Дюрдьове 1 675 особи и у 12 филиялох ище 260 особи. У Дюрдьове за школу ест 317 дзеци, а у валале 358 руски обисца. Руснаци обрабяю 2 964 ланци жеми, цо по єдним обисцу виноши 8,3 ланци, а по єдним руским жительствови 1,5 ланци жеми.

Уж потерашнї материални стан руского жительствова у Дюрдьове, успишно организовани дружтвени, образовни и културни живот, постали добра предпоставка за наиходзаци розвой и дальше звекшане и газдовске поднїмане руского жительствова.

**Жридло:**

**М. Жирос:** Руске жит. у Шайкашской, лит.ч. 20/34.